

## **Jaiotza gehiago izan zen 2004ko hirugarren hiruhilekoan, 2003ko aldi berean baino**

***Euskal AEko urteko metatua 14.587 jaiotzara iritsi zen.***

EUSTATEk egindako Jaiotzen Estatistikan, 2004ko hirugarren hiruhilekoko datuetan, 5.006 jaio ageri dira, hots, aurreko urteko aldi berean baino %3,8 gehiago. Lurraldeka, Araban 721 ume jaio ziren, %10,4ko hazkundearekin; Gipuzkoan 1.797 jaiotzarekin, hazkundearen ehunekoa %4,7an kokatu zen; Bizkaian, gutxixeago hazi zen, %1,5, 2.488 jaiotzarekin.

Jaiotza-hurrenkeraren arabera, 2004ko hirugarren hiruhilekoan, erdiak baino gehiago, hots, 2.978 haur, lehenengo seme-alabak izan ziren; 1.719 haur (%34,3) aurretik beste bat zegoen familietara iritsi ziren; eta hirugarren eta ondorengo seme-alabak %6,2ra iritsi ziren. Gipuzkoan (%42,8), bigarren eta ondorengo seme-alaben kopurua Euskal AEko batez bestekoa (%40,5) baino handiagoa izan zen, eta hori herrialde historiko horretan baino ez zen gertatu.

***Lau jaiotzatik hirutan amak 30 urtetik gora zituen***


Jaiotzak amaren adinaren arabera banatzen baditugu, ikusiko dugu 30-34 urteko amen taldea oraindik ere nagusi dela argi eta garbi, haien artean gertatu baitziren erditzeen %45. Talde horren ondotik, hurrengo goragoko taldea kokatu zen, hau da, 35-39 urte artekoa (%25,9); 25-29ko taldea beherago geratu zen, erditzeen %20,1 ekarri baitzituen. Muturreko adinak dituzten taldeetan, 25 urtez behera amatu zirenak %5,3 izan ziren, eta 40 urtez gorakoen taldeak, berriz, jaiotzen %3,7 besterik ez zuen ekarri.

Ezkontzaz kanpo jaioek guztizkoaren %22,8 hartu zuten, eta ia hiru puntu igo ziren 2003ko hirugarren hiruhilekoaren aldean. Gipuzkoa (%21,9) izan zen Euskal AEko kopuru orokorra baino txikiagoa izan zuen lurralde bakarra. Talde horren erditze-adina haurrak eduki zituzten amen multzo osoarena baino txikiagoa izan zen, ama ezkongabeen %16,7 14 eta 24 urte bitartekoak baitziren.

|                                | 2004ko 3. hiruhil. |              | Aurreko hiruhilekoa<br>(2004ko 2. hiruhil.) |              | Aurreko urteko hiruh. bera<br>(2003ko 3. hiruhilekoa) |              |
|--------------------------------|--------------------|--------------|---------------------------------------------|--------------|-------------------------------------------------------|--------------|
|                                | Kop.               | %            | Kop.                                        | %            | Kop.                                                  | %            |
| <b>Euskal AE</b>               | <b>5.006</b>       | <b>100,0</b> | <b>4.920</b>                                | <b>100,0</b> | <b>4.822</b>                                          | <b>100,0</b> |
| Araba                          | 721                | 14,4         | 724                                         | 14,7         | 653                                                   | 13,5         |
| Bizkaia                        | 2.488              | 49,7         | 2.550                                       | 51,8         | 2.452                                                 | 50,9         |
| Gipuzkoa                       | 1.797              | 35,9         | 1.646                                       | 33,5         | 1.717                                                 | 35,6         |
| <b>Amaren adinaren arabera</b> |                    |              |                                             |              |                                                       |              |
| < 25 urte                      | 264                | 5,3          | 259                                         | 5,3          | 263                                                   | 5,5          |
| 25 - 29 urte                   | 1.005              | 20,1         | 913                                         | 18,6         | 856                                                   | 17,8         |
| 30 - 34 urte                   | 2.254              | 45,0         | 2.293                                       | 46,6         | 2.190                                                 | 45,4         |
| 35 - 39 urte                   | 1.298              | 25,9         | 1.261                                       | 25,6         | 1.310                                                 | 27,2         |
| >= 40 urte                     | 185                | 3,7          | 194                                         | 3,9          | 203                                                   | 4,2          |
| <b>Jaiotza-hurrenkera</b>      |                    |              |                                             |              |                                                       |              |
| Lehenengoa                     | 2.978              | 59,5         | 2.776                                       | 56,4         | 2.824                                                 | 58,6         |
| Bigarrena                      | 1.719              | 34,3         | 1.828                                       | 37,2         | 1.684                                                 | 34,9         |
| Hirugarrena edo gehiago        | 309                | 6,2          | 316                                         | 6,4          | 314                                                   | 6,5          |

Iturria: EUSTAT

#### 1. Grafikoa: Jaiotzen hilez hileko mugimendua



Iturria: EUSTAT

oinarria100 = b.b.

#### Argibide gehiagorako:

Euskal Estatistika-Erakundea / Instituto Vasco de Estadística  
Donostia-San Sebastian kalea, 1 01010 Vitoria-Gasteiz  
Tlf:+34-945-01 75 00 Faxa:+34-945-01 75 01 E-maila: [eustat@eustat.es](mailto:eustat@eustat.es)  
Harremanetarako pertsona: Martin Gonzalez Hernandez  
Tlf:+34-945-01 75 49 Faxa+34-945-01 75 01  
Prentsa-oharrak Interneten: [www.eustat.es](http://www.eustat.es)